

Հաստատում եմ՝ 30 մարտի 2021 թ.

Հայ-Ռուսական (Սլավոնական) համալսարանի

գիտական գծով պրոռեկտոր

կիրիլոսլավոնական գիտությունների դոկտոր,

Ֆիզիկա-մաթեմատիկական գիտությունների թեկնածու,

պրոֆեսոր Ավետիսյան Պարզն Սերգեյի



ԿԱՐԾԻՔ ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ

Մարիամ Ժիրայրի Առաքելյանի՝ «Մեդիակոմպետենցիայի ձևավորումը իրավագիտական կողմնորոշման անզլերենի դասընթացում» թեմայով ԺԳ.00.02 «Դասավանդման և ուսուցման մեթոդիկա» (անզլերեն լեզու) մասնագիտությամբ մանկավարժական գիտությունների թեկնածուի գիտական աստճանի հայցման ատենախոսության մասին

Ժամանակակից հասարակության զրոբալիզացման, միջազգայնացման, զանգվածային հաղորդակցական միջոցների սրընթաց տարածման պայմաններում առանձնահատուկ նշանակություն է ստանում մեդիակրթության զարգացման հիմնահարցը: Այդ տեսանկյունից Մ. Առաքելյանի ատենախոսության թեման չափազանց արդիական է, քանզի նախադրյալներ է ստեղծում ՀՀ-ում կրթական համակարգի նորացման, սովորողների հետաքրքրությունների ու դրդապատճառների բարձրացման համար, հատկապես օտար լեզվի, տվյալ դեպքում՝ անզլերենի ուսուցման մասնագիտական դասընթացում:

Ողջունելի է այն փաստը, որ հեղինակն ուսուցման մոդելը մշակելիս հիմնվում է նորարարական սկզբունքների վրա՝ ի թիվս անձնակենտրոն, կոմպետենտային և գործունեական մոտեցման, կրթական համակարգի տեղեկատվայնացման և մեդիականացման (էջ 65-69):

Ներածության մեջ հեղինակն իրավացիորեն նշում է, որ մեր հանրապետությունում բացակայում են մեդիակրթությանը նվիրված մեթոդական

հետազոտությունները: Չէ՞ որ ներկա պայմաններում համաժամանակյա տեղեկատվություն հայթայթելու կարողությունը դառնում է կյանքի հրամայական: Այնինչ ուսուցման և ուսումնառության գործընթացում համացանցային ռեսուրսների ինքնաբուխ օգտագործումը որպես ուսումնական ձեռնարկներին գուգահեռ լրացուցիչ տեղեկատվության աղբյուր՝ առանց դրանց արդյունավետ կիրառումն ապահովող մեթոդական համակարգի ներդրման, ուսուցման գործընթացը դարձնում են չհամակարգված և միակողմանի:

Ատենախոսք, ընտրելով վերոհիշյալ թեման, հստակեցրել է այն ընթերցանության ուսուցմամբ՝ շեշտը դնելով հատկապես որոնողական (selective reading) և տեքստի ընդհանուր բովանդակության ըմբռնման (reading for information/gist) կարողությունների ձևավորման վրա (էջ 73): Պատշաճ ձևով հիմնավորված են ատենախոսի կողմից առաջ քաշված խնդիրները, ինչպես նաև գիտական նորույթը, տեսական և գործնական նշանակությունը, գիտական վարկածը և պաշտպանությանը ներկայացվող դրույթները:

Աշխատանքի հաջողության առնչությամբ պետք է նշել S2S-ների և հատկապես մեդիատեխնոլոգիաների դիդակտիկական ներուժը (21-28): Աշխատանքում մանրակրկիտ վերլուծության արդյունքում դուրս են բերվել այն էական հատկանիշները, որոնք բնութագրում են մասնավորապես «մեդիակոմպետենցիա» հասկացությունը: Որպես առաջնահերթ խնդիր՝ Մ. Առաքելյանը դիտարկում է մեդիակոմպետենցիայի գործիքակազմը (էջ 31):

Ուշադրության են արժանի հեղինակի կողմից մշակված մեթոդական համակարգը, ռազմավարությունը և վարժությունների համակարգը (էջ 74 -101), որի հիմքում ընկած են մեդիակոմպետենցիայի ձևավորման նորովի սկզբունքները:

Աշխատանքում արժևորվում են նաև մուլտիմեդիական միջոցների կիրառմամբ անգլերեն ընթերցանության ուսուցման մոդելի մշակման մեթոդաբանական հիմքերը (էջ 69-74): Ուշագրավ է այն փաստը, որ հեղինակի կողմից մշակված մեթոդական համակարգը չի ներկայացվում որպես զուտ տեսական դրույթ, այլ գործնականում հիմնավորվում է փորձարարական ուսուցմամբ: Առանձնահատուկ շեշտադրման է արժանի հայտորոշիչ և փորձարարական թեստավորման արդյունքների գուգադրական վերլուծությունը (101-116):

Հետազոտության արդյունքում ստացված տվյալների իսկությունն ամենևին կասկած չի հարուցում և ապացուցում է առաջադրված վարկածի հավաստիությունը:

Ատենախոսության թեմայից և նպատակներից են բխում շարադրման տրամաբանությունն ու կառուցվածքը:

Աշխատանքն ընդգրկում է ներածություն, երեք գլուխ, եզրակացություններ, գրականության ցանկ և հավելված, ինչը համապատասխանում է ընդունված կարգին:

Դրական գնահատելով Մ. Առաքելյանի աշխատանքը՝ կցանկանայինք անել որոշ դիտարկումներ.

1. Աշխատանքը կշահեր, եթե հեղինակը անդրադարձ կատարեր ոչ միայն համացանցային ռեսուրսների մշակմանը, այլ նաև հեռահաղորդակցական տեխնոլոգիաներին, այսինքն՝ Web 2.0 սոցիալական ցանցերի գործառույթներին:

2. Մեղիակոմպետենցիան, լինելով բազմագործառույթային, ենթադրում է տեղեկատվության որոնում և հայթայթում, արժևորում և գնահատում, ի վերջո օգտագործում, բայց նաև տեղեկատվական ռեսուրսների ստեղծում և փոխանակում, ինչը հույժ կարևոր է, բայց չի ներառվել հեղինակի հետազոտության շրջանակներում:

3. Ցանկալի է ընդլայնել այսպես կոչված համացանցային ուսումնական ռեսուրսների ցանկը:

4. Պարզ չէ, ինչպես են համակցվում առաջադրված քայլերը վարժությունների համակարգի անցկացման հետ:

Մեր կողմից արված դիտարկումներն ամենևին չեն նսեմացնում գրախոսվող աշխատանքի արժեքը: Լինելով գիտականորեն հիմնավորված՝ Մ. Առաքելյանի ատենախոսությունը որոշակի ներդրում ունի օտար լեզվի դասավանդման մեթոդիկայի տեսության և պրակտիկայի մեջ: Անտարակույս, այն կխթանի մեղիադիդակտիկայի ոլորտի հետագա ուսումնասիրությունները, մասնավորապես օտար լեզվի դասընթացում Web 2.0 տեխնոլոգիաների արդյունավետ ներդրման մեթոդական համակարգի մշակումը:

Հատուկ պետք է նշել աշխատանքի գիտական ոճի բարձր մակարդակը: Աշխատանքը կառուցված է տրամաբանորեն և արտակարգ գրագետ լեզվով, ինչը հազվադեպ է հանդիպում թեկնածուական ատենախոսություններում:

Կարելի է պնդել, որ Մ. Առաքելյանի՝ «Մեդիակոմպետենցիայի ձևավորումը իրավագիտական կողմնորոշման անգլերենի դասընթացում» թեմայով թեկնածուական ատենախոսությունը լիովին բավարարում է «ՀՀ գիտական աստիճանաշնորհման կանոնակարգի» 7-րդ կետի, ինչպես նաև թեկնածուական ատենախոսություններին վերաբերող ՀՀ ԲՈԿ-ի պահանջները, իսկ հեղինակն արժանի է մանկավարժական գիտությունների թեկնածուի գիտական աստիճանին՝ ԺԳ.00.02 - «Դասավանդման և ուսուցման մեթոդիկա» (անգլերեն լեզու) մասնագիտությամբ:

Գրախոսականը քննարկվել և հաստատվել է Ռուս-Հայկական (Սլավոնական) համալսարանի լեզվի տեսության և միջմշակութային հաղորդակցության ամբիոնի 2021 թվականի մարտի 30 - ին կայացած N 8 նիստում:

Ատենախոսության քննարկմանը ներկա էին Ռուս-Հայկական (Սլավոնական) համալսարանի լեզվի տեսության և միջմշակութային հաղորդակցության ամբիոնի հետևյալ անդամները՝ բ.գ.դ., պրոֆեսոր Կ. Մատինյանը, բ.գ.դ., պրոֆեսոր Ա.Սիմոնյանը, բ.գ.դ., դոցենտ Մ. Սարինյանը, բ.գ.թ., դոցենտ Ս. Թումանյանը և ուրիշներ:

Առաջատար կազմակերպություն՝
Ռուս-Հայկական (Սլավոնական)
համալսարանի լեզվի տեսության և
միջմշակութային հաղորդակցության
ամբիոնի վարիչ,

բ.գ.դ., պրոֆեսոր՝

Հաստատում եմ՝ 30 մարտի 2021

Գիտքարտուղար,

բ.գ.թ.՝



Ա.Ա.Սիմոնյան

Ռ.Ս. Կասաբաբովա